

四庫全書

集部

欽定四庫全書

粵西詩載卷十二

桂林府通判汪森編

五言律

蒼梧立秋

程文德

偶淹朱鳥地又見蒼梧秋
一葉真能落餘炎苦未收
感時仍萬里橫海自孤舟
坐愛空庭月蕭蕭涼氣浮

送丘郡博令柳城

黃姬水

教曹復宰邑彈琴俗不譁還將桃李樹散作河陽花千
谿暗蠻雨五嶺明仙霞去去巴江道啼猿伴客槎

烏蠻灘

田汝成

一葉中流下千山兩岸開鼉鼉吹浪轉燕雀受風迴奔
峭迎船出啼猿近客哀從來輕險絕此涉寸心摧

蒼梧逢程舜敷

去年南海上今日兩江中共是天邊客無煩問轉蓬山
川雖異域桃李亦春風綽綽行藏在翛然興不窮

奉陪岑蒲谷憲使徐吾溪兵備游雪窓宗室之玄
風圃明日雪窓蒲谷繼有高倡各次原韻二首

許應元

巖亭攀歷晚秋色滿高林竹密睢陽苑畦成漢水陰每
看題石處彌觸住山心未遂辭纓冕他年愧盍簪
名園纔近郭已覺遠塵囂石露下松葉溪雲生藥苗亭
臺延夕眺劔履遲春朝時聽村叟語欣逢布六條

游湘山寺

木末恣攀緣香臺倚暮天石潭澄定慮山月照棲禪下
界三湘外愁心五嶺前瘴鄉歸未得此地可窮年

陳儀曹見招再遊湘山

竹逕盤空曲松亭上沈寥秋清諸觀寂境淨四天遙大
隱方延幕中林早見招晤言探杳妙鐘暝未旋鑣

送劉鳳鬱司訓馮平

馮森

送子長安道炎天帶雨清人遊五嶺外路指九疑行象
壁烟霞壯龍江物色迎青瓊非寂莫立雪有諸生

送阮沙城梧州調兵

王 問

六月詠樓樓璋書晝夜馳遙徵嶺西卒來靖海東存赤
豹總皮甲飛熊綉羽旗似聞軍令肅戢戢下江湄

送顧九華之蒼梧二首

乘驛向滇水遷官又鬱林兩鄉俱絕域萬里隔同心簿
領三刀貴風烟百粵深壯圖應未已愧我早投簪

攜手出南郭躊躇川日斜輜車初倅郡遷客又辭家一
入蠻中路全開臘底花邇來施教訖文物似中華

鬱林州

舊屬蒼梧郡今通南海軍峒中風轉惡嶺外氣全分怪
蟒呼人姓陰蛟吐瘴雲夸歌起樵牧幾度隔墟聞

贈別徐華原大參之廣西

馮惟訥

君停灞水驂千里向江潭隔歲官程近乘春別路諳浮
踪驚若駛離思鬱難堪索莫岷山外方欣斯道南

次韻留別西粵諸公

侯一元

冗吏謬移秩岐亭違斷金嶺雲隨匹馬湘水載孤琴天

遠跡鳶渡風高迴鴈岑誰憐執圭客猶比越鄉吟

龍隱巖

謝少南

龍洞曾三過清樽今始攜花間坐春鳥水外疊晴霓白石前碑勒青蕪舊隱迷移舟有芳訊霞爛碧桃溪

登七星巖

熱火窺玄谷披雲上翠峰王城環翼鳳江水抱游龍草合虞皇轍疆分漢帝封還將千古意把酒對高春

遊獨秀山

接地孤峰起栖霞古洞開賢王行樂墅高士讀書臺水
澗龍紋繞松巖鶴駕來更看花發處忽漫憶天台

遊靖藩宗室池亭

帝胄仙人館朱扉綠野堂水涵魚藻動籜放鳳翎長客
簡雕金賦神丹闕玉房悠然心自遠疑是白雲鄉

蒼梧李氏園

自作粵中客常懷世外情相期訪林壑渾欲謝冠纓蕉
密俱垂實花繁不辨名雲軒駕飛麓月出生吹笙

蒼梧歲暮即事

鬱水初征地，炎州杪歲時。
囊衣春忽試，篋扇夏先持。
蕉葉愁中展，桃花醉後疑。
轟雷莫將雨，客枕夜常摺。

聞沈紫江總戎捷報

鼓輦頻報捷，春淺未畊時。
峒轉流星騎，花迎立表旗。
風烟開百粵，宵旰念南陲。
疆理周宣盛，中興更勒碑。

蒼梧夏泊呈同行楊少室憲長

嶺外自恒炎，梧山更鬱盤。
江霖偏作癘，水井不生寒。
並

金步 卷十二
本十二
艤枕柳樹初看荔枝丹仙舟涼夜興飛雪灑鳴湍

大黃江口

錢 薇

江流急於箭風高浪拍天簾開山入坐雲暝雨隨舷
椎髻蠻堪駭侏儻語孰傳回看津吏候瞬息過前川

牂牁江

路入東甌境猶登萬里舟衣冠無故識邪許總夸儔
壤接夜郎境程踰銅柱秋清風賴相送暫爾思悠悠

桂林署中有作

萬里來何事驅馳畏簡書邊城看月上春嶺見花初遠
徽頌王厯停驂校國儲經年勞鞅掌日月且居諸

來賓道中立夏先一日

心折盤江道迢迢山下輪從行徒卉服入望是來賓明
發剛初夏茲辰惜暮春三年滯粵徽不敢畏風塵

書蒼梧署中

兩載天南棹兼旬鈎檢賒明庭隔霄漢使節滯荒遐花
鳥同中土雲烟帶遠沙炎方非足慮祇切愧黃麻

平樂署中晝霧不解

曙暘宜散翳此地獨陰霾
暗毒流春澗平隄若陡崖
戈矛風火接鼓角虎狼儕
持節無纖補慚予孰可措

送戴中舍改判太平

孫陞

莫以春明遠即歌行路難
麗江秦代郡別駕漢時官
五嶺雲常暗三冬候不寒
傷離無限意惟有勸加餐

送王提學赴廣右

儒臣銜命去春杪惜離居
薊北柳堪折天南鴈漸踈
驛

途花拂憶星舍翼臨墟百粵誰言陋從今鄒魯如

送丘明府赴柳城二首

君器本懷奇飄零鬢已絲分符今絕徼策馬是行期
鴈叫寒雲急烏棲古樹遲王維徒永歎何處薦丘為

夫君遊宦地言在瘴江邊野色多榕樹山聲亂杜鵑
無嗟羈客遠須識古人賢柳子還祠廟松林靄碧烟

送翁一水守梧州

康大和

嶺海天涯路使君江上舟旌旄揮落日霖雨轉清秋
列

署名何重專城譽更優堦前原萬里飛夢到神州

蒼梧舟中

王宗沐

忽忽歲云暮孤行尚客舟家將萬里隔身豈五湖遊
夸雜嚴宵析炎多廢薄裘江聲漾嘉月清影為誰流

發橫州

何御

役役催行色蒼蒼望曉河雁經廉海少花發越山多
水芋宜春種烟蘿待晚過單車猶入郡五馬意如何

至烏蠻灘

灘水迅如此行人仍暮過風烟蠻道路祠寢漢山河
功
豈雲臺掩悲應野老多千秋思蒼蒼返棹激長歌

潯江舟中

野橋津吏待稍泊散羈愁江月先臨館山雲早上樓
人
喧城下渡鼓發驛前舟暝色蒼蒼遠風帆何處收

送少參袁鍾山之嶺右

汪 鏜

班生擁飛傳舊侶羨登仙官重薇垣使名高漢署賢
省
方隨化雨問俗洗蠻烟更憶留棠舊瞻依似昔年

簡全州林刺史

呂希周

草色遠淒淒山城落日西
肅霜長劍冷深徑暮烟迷
桂老橫牆出松虬亞屋低
故人還咫尺燈火下前溪

送黎封部參藩廣右二首

張居正

尊酒河梁上穠穠夏木陰
片帆千里遠一語百年深
去住悲離合乾坤自古今
相思何處切纖月到疎林
於爾開青眼相看器自殊
鳳翎雲外出劍氣斗邊孤
謝樹憐雙玉雄文重兩都
向來餘古意且得問蒼梧

送范比部恤刑廣右四首

客舍起驪歌雙旌擁玉珂
紫貂衝白雪彩鷓渡黃河
遠布虞廷詔深知禹泣多
即看萬里去把袂奈君何

畫省三年績彤墀五色章
君恩覃桂嶺使節指蠻方
懷古悲蒼野登臺弔越王
更須勤疏草解網答明光

春色盜金莖春風滿玉京
市橋朋酒綠闌塞客星
明慄慨青萍劍行過白帝城
懸知思舊侶愁聽鳥嚶嚶

即有同心者寧如君與予
過談皆意氣投贈自瓊琚
五

金史四庫全書
卷十二
夜西曹夢三秋北鴈書梅黃應下峽可得問蓬廬

送南海黎參政之廣西

袁尊尼

華省機雲接朱輪嶺嶠行五羊桑梓近八桂瘴烟清控
壓資才畧旬宣仰政聲夢中春草句不惜寄江城

橫州夜泊浮槎館

張佳胤

奉使宜張騫仙槎此地傳舟來豚鬱水人及荔芟天客
舍懸新月鄉書已舊年因思一片石今在錦江邊

初到橫江

吳時來

濯足橫江水為家又此城雨餘山似拭風霽浪初平石
蹟沿江靜沙痕傍月清行藏隨所寓淹滯宜無成

洞虛亭次韻

董傳策

高峰青不斷小洞妙堪過石壁分秋爽禪心失梵魔清
風松外颭塵劫望中磨拈出虛生白靈修並雅歌

咏董泉

徐浦

石隙鳴泉瀉秋深玉髓流精靈涵太始澄澈濬源頭出
澗施千頃餘波沃九州生民望龍雨早晚此中求

聞粵西除命有作時以楚臬迫將入計

王世貞

歛然除目下呼酒一為懽
豈謂投荒易端憐入計難
桑榆元愛暖蒲柳自知寒
早晚從休沐將因託挂冠
長沙七千里過此更沉沉
汨沒非吾責歸來是夙心
蒼梧眺不盡白髮話來侵
縱有東風在幽蘭寒意深

興安道中

方弘靜

雲迷峰自疊灘急水相離

湘灘二江于此
方言相離也

竹露長疑淚

松風不斷吹撞兒歌刈稻徭女舞祈祠萬里今封建無
言陋九夸

夏日同劉藩伯蔡憲使王總戎遊郭外諸洞時總
戎以辟瘴方見贈

羣公耽野趣上將擅詞場出郭雲峰近題詩竹徑長洞
中元太古嶺外宰相將一使塵襟洗無煩辟瘴方
落日徐回艇微風更舉杯千騎隔竹待雙檣拂雲開江
遠霞依草屋懸乳映苔粵中何秀絕寧憚觸炎來

華景洞作

憑几羣峰迥披雲曲磴幽疊屏依積水三伏此清秋不
見雷為市虛疑蜃結樓久知佳絕地嶺表足淹留

再遊冠巖

縹緲藏雲壑霏微浸玉潭渾渾淪淪疑乍剖山澤適相含久
坐龍應起頻遊鶴可驂不知身萬里便欲挂朝簪

府江舟中

灘窄自應漱嶂深殊未厭揮絃白鳥起卷幔碧雲添境

昔華夸限官今吏隱兼榜人無太駛為數衆峰尖

風洞二首

炎方稱麗絕伏日愜追遊野寺煙蘿古山城風雨秋停
杯木葉下移榻鳥聲留顧此頻歡宴深慙時未酬

遂有千巖競曾無萬室喧尊前仍極浦物外豈高軒泛
泛野航得依依原樹存坐中適不飲借問欲何論

送比部陳郎中守南寧

歐楨伯

兩江資控遏南去楚亭開馬退茅亭在龍穿鬱水來玉

符臨駱邑銅柱畫交臺漢史西曹客翩翩斧鉞才

送王十二之副象

沈明臣

君去蒼梧遠秋乘萬里風水程三楚外山色九疑中桂
子花初白枕榔葉幾叢家鄉東海上知有夢魂通

送鄭太守君亮赴永寧州

春雪犯江花西乘萬里槎天開五嶺闊路出九疑斜蠻
徼通謠俗車書一漢家相思灕水月照影過長沙

逍遙樓

陳暹

逍遙求故閣臨眺釋前聞
臺跨三湘樹窓飛五嶺雲
曉烟開粵戶春辭上顏文
夏日誰言永追懼悵易曛

留別粵中諸公次侯二谷相送韻

烟波別鴈羣伊軋水中聞
地理蒼梧外天文翼軫分
暑收三伏雨山斷九疑雲
行到滕王閣臨江長憶君

送林上舍使廣西

游震得

楊柳風仍細離亭花正開
歸榮天上使書捧日邊來
闕粵山川共淹留歲月催
倘過湘水宅莫為賈生哀

送二兄謫平樂貳守

林煥

暫會仍分手，離魂黯欲銷。
如何適萬里，況乃傍三苗。
中土風烟隔，征途雪霰飄。
願將盤錯意，持報聖明朝。

送三兄之任左州守

芳郊愁送遠，烟柳正垂堤。
別酒燕臺北，征途象郡西。
春帆湘草綠，候館嶺猿啼。
借問南飛翼，何年得並棲。

挽吳若峰大參若峰自言廣西之功遺而未錄明

日余方檢牒訃音俄至悽惋久之 楊博

廿年同畫省相見慰離愁方論桂林事忽成萬里遊一
官不受薦五嶺合遲留直道今如此油然雙淚流
之子南州彥南州美更多生祠存粵徼歸櫬向江沱空
館悲猿鶴長途慘薜蘿元功終未論如負故人何

登橫州鉢嶺二首

翁溥

百粵孤高處披雲試一臨萬山殘照遠列郡瘴烟深古
樹藤蘿合空林猿狖吟殊方聊復爾天地滌煩襟

天畔招尋客奇探興不羣將軍凌紫邏多士入青雲野

曠孤村小江晴遠水分飄然遊象外歌嘯隔霞聞

送王開府之廣西

張士淪

八桂烽烟息清樽遠餞君節移五嶺重旌向百蠻分控
扼思行險忠貞託霽雲聖朝恩紀閩早晚建奇勳

風洞

漆文昌

鑿石聞玄竅磨苔讀斷鐫搖風知洞聞驚雨訝龍還坐
景寂無語因詩悟得禪春糧誰食實嘉種自良田

思恩舊府

周璞

聖朝文化溥土族尚英雄犖确山川異經營制作同文
亡夫舊事世亂剝殘官欲得興衰故殷勤詢老翁

思思暗山

傅汝舟

亂山盤一逕衆水伏無門谷助猿聲響烟籠馮色昏息
陰遙問樹具食偶逢村今日來游意祇堪許靖論

水月洞

盧仲佃

空巖開滿月浸濯水中天皓魄千山白虛宮萬古懸七
星光獨朗八桂影爭翩我欲從真窟間中一弄丸

鬪雞山

嶺西山洞別此有鬪雞名月下昂冠迥風中振羽輕兩
涯虛幻影萬古斂啼聲我抱探奇僻輕舟不問程

遊南山

鄧朝賓

江南開古寺奇蹟到人間石佛懸飛蓋金鱗躍翠巖洞
深雲更鎖松老鶴遊還絕頂攀躋處依稀斗宿參

湘山寺

劉欽順

神護菩提路天遣兜率宮瑤臺紫霧合畫閣翠烟通疎

影松崖月暗香花塢風為僧心不了何處了真空

遊南山

李義壯

二月試春衣南山歷翠微平林孤石出空谷遠峰稀雲
暖花爭發天空鳥自飛舞雩童冠在猶似詠同歸

送鄭萬松經柳州府

林愛民

仗劍且萬里論交餘十年龍城雲接桂象郡幙生蓮雞
卜隨蠻候狼烽靖瘴烟閒追柳侯興種柳柳江邊

歸自蒼梧偶成

林懋舉

遠出幾彌月蕭然抵省衙
心懸兒女戀夢入水雲賒
乾雀晴呼竹春燈夜著花
定知鴻鴈信早晚到天涯

贈張月洲司教洛容

遠宦故人少高情兩度過
寒原孤月迥曉漏落星多
漫和陽春曲行聽子夜歌
亦曾叨獻納能不愧常何

挽沈潯州禹文

朱拱植

沈約元多病如何事遠遊
一麾才欲展萬里瘴先投
茂苑猿空怨蒼梧雲更愁
旅魂招未得蕭索不勝秋

送僧遊紫蓋後入西粵

朱謀賢

桂嶺行踪遠東歸定幾年
破頭山下寺斷臂雪中禪
乞食依蠻店焚香上客船
匡廬僧院在門閉虎溪泉

飲蒼梧高明亭次丘止山韻

余世亨

有美閩中彥相逢越海槎
青尊傾澗畔旭日傍山斜
淑氣凝棣藥陽春動管葭
共開觀物眼感慨惜韶華

晦日游隱山

張鳴鳳

節晦前朝重春山勝事多
巖虛渾駕水石長半凌波
日

影驚魚躍泉聲答鳥歌
韋吳碑在否不惜更摩挲

九日渚臺

遶臺多種菊應不異陶家
几拂松餘翠杯浮桂續花
頗矜貧士樂且幸小兒誇
莫問白衣事東鄰更可賒

臘日兒輩置酒含暉閣

延眺屬茲辰江山半路春
烟澄初暝鳥雲碧欲親
人風壤開千古文章寄一
身落梅吾欲賦兒指北枝
新

遊磐石

俞安期

磐空巖壁立屈曲展呆愚石類雲千變崖驚乳四垂怒
濤龍出喜怪樹馬驚疑只謂穿巴蜀牽江上峽時

自湘山至獅巖

一壑藏巖古千松引徑長水流無澗戶石覆有僧房秉
燎穿雲紫乘空吐霧黃山山芝蕨滿遊不待春糧

龍君揚赴永安賦此為別

迢遞邊夸戍悲酸絕海行百憂緣國事一哭豈私情積
氣寒相結江聲夕未平離鴻何意識哀怨向人鳴

功罪寧論實馳驅祇自傷一身酬謗牘九死列戎行海
樹交吹瘴蠻花不受霜長城誰可倚今日爾投荒

粵南元異俗宜意託孤臣語嘯多蛇鬼舟航總蠻人華
音應不解夸習更誰親颯颯形將影遙天對苦辛

伏闕心仍在從君未可期死生謀不定悲喜見應遲變
徵歌殘夜分途淚盡時誰諳兒女態寧直有情痴

舒翁邀飲湘山別墅在湘山寺西

別業清湘地仙翁太古人杯如行玉乳坐擬近瑤津老

樹蒼雲戶曇雲紺宇鄰月來鐘磬罷蓮漏隔花頻

遊興安乳洞三首

斷磧藏沙渚飛梁渡澗門履田分石吟探水溪雲根凍
雨垂空結春雷殷地奔將無異人隱紫氣擁朝昏

雲扉中自劃雷劔下長聞入戶坪堪宅穿厓道屢分石
牀平覆雪玉柱遠支雲辭壁紛題墨玄龍錯繡紋

遠叩三重戶如登十二樓燎過翻蟄燕履墮犯潛虬雪
乳浮沙積霞紋抱石流花源津可問隔水見平疇

張質卿太僕邀同張羽王京兆載蒼梧酒過集灘

山旅館

歛門張僕正京兆復能俱嶺外此名士尊前惟野夫
玉羹沉綠笋碧醪出蒼梧屢喚牆頭甕微喧警夜烏

張質卿太僕邀過其兄壽知府公青蘿園共集

兄弟雙稱美池園獨見邀蟠簷虬樹老夾逕鶴林遙樓
迥山俱入波涼雨數飄隔溪喧忽動歌吹晚迴橈

同張質卿由南溪歷劉仙巖汎舟至大墟憩壽隆

寺前大樹下

川漲平猶駛仙巖迥更深雲中與烟際水汎復山尋幽
興通玄理微言入短吟繫舟探海藏龍樹覆慈陰

汝成王孫邀同退之遊七星山

有引

山有七峰位置如斗小峰旁出亦若輔星腹多空洞
則有棲霞玄風為之奇絕

桂尊攜帝胄松磴引黃冠空翠深同入山形駭獨看洞
疑霞變幻峰學斗闌干不耐披襟坐玄風吐夏寒

徐醴陵崇德邀同張京兆張紹興張太僕呂京兆
呂中翰遊汎西江歷郭西諸勝返飲水月洞嘗

家洲

南國初遊宴西江復溯洄舟移千堞盡戟立萬峰開擊
汰潛蛟逝鳴絃小鳳來長洲淹水月夜榜未呼迴

呂惟師京兆邀同張京兆徐醴陵張隨州張紹興
張太僕呂中翰汎舟桂江憩飲汎波山

桂水流連泛蘿巖宛轉過將舟平次石張坐曲迴波雉

堞垂陰短蛟潭積晦多夜珠方把玩月白起關河

呂惟謨中翰邀同諸君子汎舟陽江溯石梁西上
放舸遵陽水牽江上石梁氣衝微雨白影入衆山蒼鴈
急絃移柱龍聞笛卧牀還歌采菱曲月出下迴塘

張質卿太僕邀同諸君子汎舟南谿飲白龍洞歷

山南

水汎情難極山看態轉新鷺形峰作首龍影石成鱗溜
濕更裘急寒吹引酌頻穿雲見花竹烟火似秦人

張紹興壽卿邀同諸君子遊汎江上自訾家洲至
東郭浮梁以雨不果登屏風巖

鷗鷺洲邊水龜鼉郭外梁刺舟行屢泊呼酒罷還觴山
近含雲暝江空入雨長名巖頻起望飛興落蒼蒼

張隨州拱卿徐醴陵崇德各載酒過集琅華館適
退之汝成二宗侯攜榼亦至

花間鶯屢報竹外起頻迎客履參差至壺醪次第傾廚
烟林徑夕江雨石堂清羈旅寧無事沉埋向酒城

徐象先邀同張汝靜汎舟至木龍渡

障日斜垂幔迎風細覆觴
叢蒲新葉短獨樹晚陰長
石蓋膠舟澀谿毛引筯香
渡頭龍化後禹穴失梅梁

同張汝靜徐象先遊辰山因尋劉升之隱士故居
登山之半三巖層沓石室穹然有五城十二樓之想
一云虎山以石形似名一巖曰蟄龍昔人命嘉稱以
擬劉升之之隱操焉

雲閣三重出烟堂萬石扶數經皆洞府高倚亦仙都叱

虎蹲寧去探龍卧未蘇縱看陵谷變故里識潛夫

過蒼梧張養晦邀同王唯吾丁右武共飲江邇時

唯吾右武謫居相攜為勾漏遊余不期而值喜

劇賦此

蘇濬

廿載星霜換相看憶少年祇由明主愛偏結故人緣拂
劍甘浮白停杯問草玄那堪江上侶風雨隔牀眠

莫問山中相且浮海上槎露凝桑落釀龍結武夸芽八
極隨飛駿千秋數落花何須尋葛令相對即仙家

府江壞舟幾溺幸免漫述二首兼呈葉參知

不覺陽侯怒幾陪屈子遊乾坤猶渺渺身世自悠悠霧
暗鮫人室香生杜若洲風波余已慣何處問漁舟

日月升沉際蛟龍出沒時夢隨雲外去影逐水中移萬
里憑誰報千秋祇自知歌殘堪一嘯不負故人期

送項子忠明府之蒼梧

李敏

白首蒼梧令逢人說瘴鄉藤陰鳴蛤蚧山氣暗桄榔自
昔由虞化何嫌本粵疆桃花栽滿縣春色勝河陽

送張僕卿還桂林

區大相

還朝能幾日去國逼殘年
別路春前酒離亭雪後天
衡陽隨去鴈湘浦問歸船
未是投閒日東山卧莫堅

送譚司理之越西

得近霜臺使無如郡法曹
途趨蠻府遠山遶瘴烟
高夸落無多事鄉音或間操
知君心好靜佐理莫辭勞

送黃汝綸柳州尋明府弟

醉發江上棹西遊
見白眉看雲吟桂水
訪古過羅池霜

葉隨行暮江鴻獨去遲羨君花萼好到處有連枝

送何儀部稚孝謫桂林

長沙非不遠南去更蕭森謫宦楚山盡獨行湘水深鄉
書同鴈少官舍共猿吟今夕懷人夢隨君到桂林

自橫槎汎端溪

竹岸收殘市花源訪故津里將仁共美俗以德為隣土
布芭蕉盛林香橘柚新何須會稽守方作錦衣人

送梁同年赴越西幕

灕江西上尋向下動鄉心借問蓮花府人言桂樹林地
形三楚盡山色九疑深幕下由來重多才獨見今

飲柳山

楊芳

把酒高臺上青山落案前飛花三月雨垂柳萬株烟勝
地堪吾醉清風媿昔賢塵纓何處濯深澗有寒泉

送李比部叔良奉使西粵

潘益之

本為聲華重因之驅汝行正傷遊子路况別故人情賦
自觀濤得槎隨貫月輕莫言知己少何地不逢迎

送張仁伯之鬱林

博士原清秩傳經亦賞心
典刑尊絳帳禮樂洽青衿
賦詠三湘竹逍遙八桂林
石渠方倚重次第主恩深

送何儀部謫廣西

郭正域

如何君遠謫偏在鬱林西
拂拂逢人笑猩猩盡日啼
瘴烟迷癸水怪雨漲南溪
愁問都門信東方又鼓鼙

萬里龍城去迢遙路不迷
風嘶遊子騎月照逐臣雞
豈寇花應笑檳榔葉已齊
閒行過鈎鈎新句也堪題

上元後聞爾律年兄治慶遠裝此八千里別也故

知璽召可企能無黯然

李日華

月白梅花晝冰消蒿菜春酒香薰客夢燈影澹離魂江
曲千羅帶山多萬玉簪驂鸞如有錄應蚤寄柴門

陳潯州

湯顯祖

何自船同夕偏過酒涉旬明珠滄海客春色武陵人草
樹他鄉別風烟一處親清潯好白石吾欲向棲真

送歐陽宜諸守平樂二首

焦竑

相送昭潭去無言鴈亦稀山川足形勝徒馭有光輝問
俗風猷播行春謠頌歸懸知合浦葉遙向洛城飛
相逢元不易分手即前期豈復辭難阻行當慰別離功
名邊郡重歲月主恩私慷慨臨岐意無勞行路知

鬱林過博白道中即事

金輅

不識辛倉路今知飲馬橋江流南入海山雨北通潮野
興催詩急鄉心入夢遙蒼梧雲暗處疑是聽簫韶

興業過博白道中

官道穿崎峽藍輿觀晚晴水鳴如有為山曲更多情野
鳥迎人語林花映日明愧無經濟藥何以慰蒼生

平樂廣運堡謠

管大勳

廣運接龍洲營屯跨上流編茅環作屋剗木即為舟城
郭依高塹豺狼遁遠陬年來平十寨無復九層樓

白鶴山

莫魯

峻嶒迎羽翰顧影萃山靈奇骨孤峰瘦霜寒絕頂輕九
臯風欲靜五夜月猶明千載懸歸思棲遲若有情

安南貢使阮實道蒼梧以詩上諸司時觀察胡公

次其韻余復次之

陳熙韶

銅標長偃草玉節早銷氛鎖鑰嚴周甸鏡歌響越雲穹
方都革面殊俗故同文最喜來王者能空冀北羣

星門戎索靖日域塞烟清象蓋關南道龍驤嶺外營冠
裳歸漢習笳鼓事郊迎側耳蠻雲裏喧闐起頌聲

木龍洞

曹學佺

桂中稱最險城外有重扃匪藉丁夫鑿能穿癸水亭坦

然車馬路宛爾木龍形却喜沿江望堯山一抹青

明月洞

斜陽已半壁危磴直千盤平野看垂盡移時立未安
洞周如繭室峰峭類魚竿更欲邀明月令予宿廣寒

登雉巖相傳即雉聽經化處唐宋人多於此送遠
亭榭久堙予興復之

江水入陽渠春流曠有餘巖空靈雉化穴小定僧居出
餞聞茲地歌風陟彼砮久無軒蓋到荒徑為誰除

登榕樹樓

樹以何年植門因異迹留雙根蟠孔道密葉覆層樓
水臨空濶荷香逗早秋却因尊酒寄暇日一消憂

汎舟金蓮港因遊白龍洞

的的水蓮金舟移入港深孰知平野上轉自得幽岑
穴暝分僧爨泉高落梵音秋光渾不減僻處乍堪尋

桂林風謠十首

楚粵流皆仰湘灘水自分易生階面草難度嶺頭雲素

節龍舟競冥搜鼠穴熏水東街最盛游女咽羅裙

零陵入始安桂海地漫漫節令無冬夏陰晴燠燠寒茗

含烟氣重蔬裏礫沙乾癸水東城入兵戈幸不殘

古賦
云癸

水繞東城永

不受刀兵

自古云荒服分藩亦懿親銀章懸國信朱邸錯居民城

外寬文網車中吐錦茵他方傳好尚厭罷此纔新

物候中華隔高寒轉苦卑桂花多晚實松樹每交枝蠹

粉時侵面水風易中肌嶺西饒藥物病嬾亦誰醫

簫鼓沸中秋，肩挑水族稠。
饗飡臨頓辦，節序競時修。
月兔燈俱上，風鳶瘴易收。
官街青石路，醉倒滑如油。

不住檳榔嚼，相傳好辟嵐。
喉乾如轉磨，葉響似餵蠶。
棄地皆脂澤，逢人若醉酣。
生平無半百，黃面老瞿曇。

偏安聞此地，漢法已全疎。
塞迥書違鴈，溪清弩射魚。
穿山為孔道，放陡下靈渠。
待學桃源隱，村村盡可居。

夜坐多蚊母，秋成多芋魁。
寄桑傳釀法，文石中碑材。
戍餉資橋稅，山田仰糞灰。
廣南商販到，鹽廠雪盈堆。

穠糧難猝辦村老未全馴風俗傳難卜春秋祀馬人法

依山例峻歌疊浪花新嬾婦田間過忙將織作陳櫛婦
山猪

也食人田禾以機
杆之物陳設則止

退食衙應放長時印早函銜杯誇瑞露燒笋出靈巖吏

隱吾何媿人言或息讒豈如元祐世黨籍至今劊龍隱
巖有

宋時黨
人碑

送林穉虛之官梧州

徐 焯

一官新被命千里粵西遊果綠生人面山青露佛頭夸

風驅毒蠱蠻客貢犀牛地有黃茅瘴丹砂莫憚求

城東亭送李別駕守全州

梅鼎祚

斗酒別津亭踟躕五馬停西南開井邑岳牧重朝廷飛
蓋夏雲白褰帷越嶠青佩刀吾解贈風雨散精靈

送雲野考功參政廣西

彭年

星郎辭握鑑天子重為霖大政參薇省名藩轄桂林清
風攜鶴去鄉路聽猿吟晝繡多榮寵猶懸棣萼心

送徐上林謫橫州

卓明卿

承譴向遐方天南道路長鷓鴣三月雨荔子一秋霜地
僻搖踪雜官卑王命將猿聲無日夜誰謂不思鄉

奉送大中丞陳公督撫廣西

共誇百粵地萬里擁朱輪夾道枕椰茂遐荒犀象馴天
應驅瘴癘山亦鬪嶙峋組練浮光處樓船渡海濱

潯陽送客之廣西

方問孝

江風吹雁音嘹唳滿江潯九派離盆浦千峰入鬱林清
霜斑樹色斜日落帆陰莫向磯頭泊山空援夜吟

過古田

何良臣

百蠻烟瘴裏道路異中原月冷千丘骨雲封萬壑猿年
來傷遇晚戰罷幸身存欲作消憂坐無能貫一罇

贈陸潤夫任桂林通判

徐貫

京國論交地都亭送別時遐方民待久故邑馬行遲晝
靜蠻烟息春深化日熙循良應不忝萬里慰相知

夜發湘山

范欽

乘月下南亭方舟泝遠汀波涵灘水白燒入楚天青夜

久風適爽秋高露倍零不須論物役吾意已沉冥

柳山書院

劉 啟

柳山名已久刺史暮方來佳勝依然在榛蕪次第開續
編循吏傳重築讀書臺何幸陪遊行清泉飲一杯

萃綠亭

許時謙

吏事邊城少探幽得自吟構亭倚古岸伴客憩濃陰金
印山隆座龍英水遶林溪聲風裏細日夜有鳴琴

觀魚亭

地偏心愈遠
臨眺在幽遐
石白非闌雪
林深不礙花
殘題惟落日
感事總朝華
魚樂安知我
秋風自憶家

觀音峭壁

袁必登

頭頭皆是道
樂處更為天
歲去松長老
春來花自妍
卧雲堪笑傲
對月可談禪
悟得東林偈
虎溪亦宛然

女夫董文若從粵西龍州再過休菴

盛於斯

三載留西粵
孤身歷百蠻
啼猿愁落日
野鬼嘯空山
劍

金一八八二
卷十二
刺流星鐵弓餘明月彎尊前莫悲咽猶幸得生還

遊羅叢巖

馬文祥

暇日尋幽景巖深別有天龍湫清徹底月窟暗中穿白
蝠棲崖邃青羊倒樹懸二程經歷後勝概至今傳

千里欲窮目捫蘿躡峻巔陰巖常積雪虛壑自通天丹
竈間瑤草蒼崖溜玉泉醉題磨蘚壁詩思入幽玄

蒼梧即事

楊嗣賢

駐目蒼梧野雲烟半杳冥荒林虞舜廟斜日呂仙亭城

枕三江險山連百粵青長歌舒逸興激烈振林垌

梧州即事

鄭露

朝登綠珠渡暮宿鬼門關合浦懸明月長藤引白蠻金
蠶驚客夢肉翅飽人還以此聞征鐸栖栖思故山

地關見聞異去家三月餘金環殉吉鶴花縣稅鯖魚鑿
井氓歸洞燒雲客滿畝坐令南鴈盡不寄一行書

欽定四庫全書

粵西詩載卷十二

欽定四庫全書

集部

粵西詩載卷十三

四

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官庶吉士臣吳裕德

謄錄舉人臣龔秉震

欽定四庫全書

粵西詩載卷十三

桂林府通判汪森編

七言律

送楊少府貶郴州

唐王維

明到衡山與洞庭若為秋月聽猿聲
愁看北渚三湘遠
惡說南風五兩輕
青草瘴時過夏口
白頭浪裏出湓城
長沙不久留才子
賈誼何須吊屈平

嶺南郊行

柳宗元

瘴江南去入雲烟望盡黃茅是海邊山腹雨晴添象迹
潭心日暖長蛟涎射工巧伺遊人影颺母偏驚旅客船
從此憂來非一事豈容華髮待流年

南省轉牒欲具注國圖令畫通風俗故事

聖代提封盡海孺狼荒猶得紀山川華夸圖上應初錄
風土記中殊未傳椎髻老人難借問黃茅深洞敢留連
南宮有意求遺俗試檢周書王會篇

登柳州城樓寄漳汀封連四州

城上高樓接大荒，海天愁思正茫茫。
驚風亂颭芙蓉水，密雨斜侵薜荔牆。
嶺樹重遮千里目，江流曲似九迴腸。
共來百粵文身地，猶自音書滯一鄉。

柳州城西北隅種柑樹

手植黃柑二百株，春來新葉徧城隅。
方同楚客憐皇樹，不學荊州利木奴。
幾歲開花聞噴雪，何人摘實見垂珠。
若教坐待成林日，滋味還堪養老夫。

柳州寄丈人周韶州

越絕孤城千萬峰空齋不語坐高舂印文生綠經旬合
硯匣留塵盡日封梅嶺寒烟藏翡翠桂江秋水露鰓鱗
丈人本自忘機事為想年來憔悴容

柳州峒氓

郡城南下接通津異服殊音不可親青箬裹鹽歸峒客
綠荷包飯趁墟人鷲毛禦臘縫山罽雞骨占年拜水神
愁向公庭問重譯欲投章甫作文身

奉和竇容州

元稹

明公莫訝容州遠一路瀟湘景氣濃
斑竹初成二妃廟碧蓮遙聳九疑峰
禁林聞道長傾鳳池水那能久滯龍
自歎風波去無極不知何日又相逢

鬼門關

李德裕

嶺外中分路轉迷枕椰樹葉暗前溪
愁衝毒霧逢蛇草畏落沙蟲避燕泥
五月畬田收火米三更津吏報潮雞
不堪腸斷思鄉處紅槿花中越鳥啼

除浙東留題越亭

元晦

紫泥遠自金鑿降
朱旆翻馳鏡水頭
陶令風光偏畏夜
子牟衰鬢暗驚秋
西鄰月色何時見
南國春光豈再遊
莫遣艷歌催客醉
不堪回首翠娥愁

東觀席上和盧從事

張固

亂山清翠郡城東
爽節憑高一望通
交友會時絲管合
羽觴飛處笑言同
金英耀彩晴雲外
玉樹凝霜暮雨中
高詠已勞潘岳思
醉歡慚道自車公

七星山東觀席上贈張侍郎

盧順之

渡江旌旆動魚龍
令節開筵上碧峰
翡翠巢低叢桂小
茱萸房濕露香濃
白雲郊外無塵事
黃菊筵中盡醉容
好是謝公高興處
夕陽歸騎出疎松

留詩碧潯亭

韋瓘

半年領郡固無勞
一日為心素所操
輪奐未成繩墨在
規模已壯閎高
理人雖切才常短
薄宦都緣命不遭
從此歸耕洛川上
大千江路任風濤

哭劉賁

李商隱

上帝深居閉九閭，巫咸不下問銜冤。
廣陵別後春濤隔，湓浦書來秋雨翻。
只有安仁能作詠，何曾宋玉解招魂。
平生風義兼師友，不敢同君哭寢門。

送杜秀才往桂林

許渾

桂州南去與誰同，處處山連水自通。
兩岸曉烟千里草，半帆斜日一江風。
瘴雨欲來楓樹黑，火雲初起荔枝紅。
愁君路遠銷年月，莫滯三江五嶺中。

和友人送僧歸桂州靈巖寺

楚客送僧歸桂陽海門帆勢極瀟湘碧雲千里暮愁合
白雪一聲春思長柳絮擁堤添袖軟松花浮水注瓶香
南宗長老幾年別聞道半巖多影堂

贈容南韋中丞

陳陶

普寧都護軍威重九譯梯航壓要津十二銅魚尊畫戟
三千犀甲擁朱輪風雲已靜西山寇閭井全移上國春
不獨來蘇發歌咏天涯半是泣珠人

賀容府章中丞大府賢兄新除黔南經畧

蓬瀛簪笏舊聯行紫極差池降寵章列國山河分雁序
一門金玉盡龍驤耿家符節朝中美袁氏芝蘭閭外香
烽戍悠悠限巴越佇聽歌詠兩甘棠

和容南章中丞題瑞亭白燕白鼠六眸龜嘉蓮

伏波恩信動南夸交趾喧傳四瑞詩燕鼠孕靈褒上德
龜蓮增耀答無私迴翔雪侶窺簷處照映紅巢出水時
盡寫流傳在軒檻嘉祥從此百年知

碧淥宴上有懷知已

曹 鄴

荻花蘆葉滿溪流一簇笙歌在水樓
金管曲長人盡醉玉簪恩重獨生愁
女蘿力弱難逢地桐樹心孤易感秋
莫怪當歡却惆悵全家欲上五湖舟

題昭州山寺韋寂上人水閣

曹 松

常寂常居常寂裏年年月月是空空
塔前未放巖根斷屋下長教海眼通
本為入來尋佛窟不期行處踏龍宮
他時憶著堪圖畫一朶雲山二水中

桂江

未識佳人尋桂水
水雲先解傍壺觴
筍林次第添斑竹
雛鳥參差護錦囊
乳洞此時連越井
石樓何日到仙鄉
如飛似墮皆青壁
畫手不如元化強

訾家洲

陸弘休

新春蘂綻訾家洲
信是南方最勝遊
酒滿百分殊不怕
人添一歲更堪愁
鶯聲暗逐歌聲艷
花態還隨舞態羞
莫惜今朝同醕酌
任他龜鶴與蜉蝣

賀趙觀文重試及第

褚載

一枝仙桂兩回春，始覺文章可致身。
已把色絲邀上帝，又將彩筆冠羣倫。
龍泉再淬方知利，火浣重燒轉見新。
今日舉頭看御榜，大能榮耀苦心人。

謁堯帝廟

軒轅彌明

祖龍開國盡遐荒，廟建唐堯鎮此邦。
山捲白雲朝帝座，林疎紅日列仙幢。
巍巍聖蹟陵崧嶠，蕩蕩恩波浴桂江。
瞻仰威靈共回首，紫霞深處鎖軒窗。

南遊

曹唐

盡興南遊卒未迴
水工舟子不須催
正思碧樹關心句
難放紅螺蘸甲杯
漲海潮生陰火滅
蒼梧風煖瘴雲開
蘆花寂寂月如練
何處笛聲江上來

送嚴大夫再領容州

海風捲樹凍嵐消
憂國寧辭嶺外遙
自顧勤勞甘百戰
不將功業負三朝
劍澄黑水曾芟虎
箭劈黃雲慣射鵞
塞北天南盡成事
肯將心許霍嫖姚

日照雙旌射火山笑迎賓從却南還風雲暗發詼諧外
號令潛生氣概間斬竹水翻臺榭濕刺桐花落管絃閒
無因得覩真珠履親從新侯定八蠻

殿試荔枝詩

五代

梁 嵩

露濕臙脂拂眼明紅袍千裏畫難成佳人勝盡盤中味
天意偏教嶺外生橘柚遠慚登貢籍鹽梅應合共和羹
金門若得栽培地須占人間第一名

疊秀山

宋

周 渭

平生賦性愛觀瀾今日登臨疊秀山天錫卦爻分象外
地將圭笏出人間昭州水遠孤城小五嶺山高衆堙難
極目紫宸何處是碧雲深處珮珊珊

晚次湘源

張泌

烟郭遙聞向晚雞水平舟靜鼓聲齊高林帶雨楊梅熟
曲岸籠雲謝豹啼二女廟荒汀樹老九疑山碧楚天低
湘南自古多離怨莫動哀吟使客悽

春日旅泊桂州

暖風芳草竟芊綿多病多愁損少年弱柳未勝寒食雨
好花爭奈夕陽天溪邊物色宜圖畫林畔鶯聲似管絃
獨有離人開淚眼強憑杯酒亦潸然

楚南偉觀樓

柳開

洗盡蠻烟几案空登臨直見楚山雄坐當鴻鵠高飛處
身在乾坤灑氣中木落有情瞻北闕霜輕無夢入西風
凭欄自是蓬瀛客獨對瀟湘興未窮

送融州任契戶曹撰越王愛姬墓誌得罪

王禹偁

御前曾取好科名一掾如何萬里行身落蠻方人共惜
罪因文學自為榮吏供版籍多魚稅民種山田見象耕
君看咸通十司戶投荒終久是公卿

王殿丞通判桂州

楊億

科名得玉向崑丘家世長淮入海流通籍殿中鈎盾省
頌條嶺外桂林州漢皇前席期清夜楚客歸帆指素秋
父老歡聞鄰郡政壺漿千里待鳴騶

表弟李宗元知桂州陽朔縣

桂林陽朔溪山秀莫歎迢迢五嶺南
百里字人須敏政千金酌水更懲貪
鳴榔下瀨潮程遠曳彩升堂壽燕酣
遠地民淳無牒訴縣齋終日好清談

送陳堯叟赴廣西漕

宋 白

莫辭征騎去迢迢盡瀉純誠許聖朝
北闕皇恩從此布南方沴氣必然銷
為詩自可怡情性服藥嘗聞助攝調
仙館粉闈官職好定期騫翥上烟霄

又

宋湜

憐君將命拜新恩
送別都門亦斷魂
雨歇桂林秋更暖
瘴連梅嶺日多昏
詔頒海徼征徭薄
兵罷蠻州市井繁
愧我不才居禁近
前春掃洒待回轅

龍隱崑

張田

龍隱晦冥時莫考
龍驤拏攫迹堪驚
孔明久卧養全德
老子忽飛歸太清
溪上一天常氣勝
洞中六月自寒生
至人不得無情處
甘澤年年灑百城

送桂州張田經畧遷祠部

呂公弼

拂雲樓閣壯南城符竹從來選擇精
地壓坤方諸國重官遷漢省左曹清
霜嚴塞幕論兵略春滿農郊勸火耕
王佐才高時望洽歸來持橐上蓬瀛

送桂州安撫余靖侍郎還京

李師中

詔從東海付南麾戎乘前驅上將威
異俗已傳吾父至斯文更詠我公歸
歲時職貢還朱紱晝日恩光賜袞衣
昔往今來亦何速長亭楊柳尚依依

拜命南來得老臣，肅將廟略制妖氛。
淮西將吏尊儒帥，并土兒童認使君。
新賜錦衣光照日，舊行棠樹茂如雲。
應憐孤宦潮陽守，憔悴無人與上聞。

和李明叔理定道中

幽居日日數歸程，已寫華嚴兩帙經。
門外初寒江氣白，嶺頭多雨曉痕青。
曾逢飯顆嘲山笠，應載鷓鴣笑井餅。
客土相思空引望，天涯風景似新亭。

入桂林

陶弼

滿耳洋洋分嶺泉
早秋時候晚涼天
稻花斑白初經雨
竹色青蒼薄帶烟
安得孤臣能慮患
不勞明主更憂邊
東坡故老知誰在
望我車塵若望仙

桂林書事

清羅江水碧連山
城在山光水色間
地近瘴烟人好酒
路臨溪洞卒難關
心知禍福慵占鬼
事熟安危笑議蠻
却為林泉作詩苦
三年贏得鬢絲還

題陽朔縣舍

石壁深深繞縣衙不離牀衽見烟霞
民耕紫芋為朝食僧煮黃精代晚茶
瀑布聲中窺棗牘女蘿陰裏勸桑麻
欲知言偃絃歌化水墨屏風數百家

畚田過雨小溪渾遠近雲峰互吐吞
殊俗易昏三里霧陽崖忽露一家村
桂花香裏尋僧寺榕葉陰中掩縣門
井稅未輸兵甲後心勤撫字且休論

寄陽朔父老

兩官三任五流年舊事人懷一惘然
爵祿豈知緣武進

姓名猶賴得詩傳萬雲亭北山藏日雙月橋東水接天
為報崇賢諸父老宰君今悔把戎旃

再過陽朔寄人

昔日儒衫今武車重來者老尚奔趨後人相繼皆清德
小吏回看半白鬚條教謾為新楷法官資猶作舊稱呼
里門不閉田疇闕好買丹青別畫圖

謝桂林郡幕沈通惠詩

五色飛鸞下桂林林間新客寄新吟才高韓愈青羅帶

義重張衡綠綺琴楚尾聲名先在耳嶺南章句晚知音
逢人要指荷花幕銅柱西南烟靄深

寄桂州張田經略

五十溪州五寨城廣宣恩詔諭羣情開懷曉日重昏破
下令春雷百蟄驚塞路風埃人戲馬隔雲烟火賊燒營
廟堂有策今無用謝爾青頭百萬兵

犀甲銀盔銅鼓兵周旋五十五屯營據鞍疾悶心無力
橫槊微吟尚有情卒冗不蒐秦銳士官租還用魯儒生

溪人重武輕文藝應笑擔書載酒行

寄桂林歐陽咸寺丞溪藤杖

勁節寒梢屈曲根
虎牙龍鬣蟒蛇鱗
採從黃鶴獨飛處
寄與青山先退人
高閣倚吟留落月
小園扶醉過殘春
惟存一本自收拾
即日溪邊躡後塵

登邕州春野亭寄桂帥潘伯恭學士

二紀看花瘴霧中
野園今日又東風
人心有感時時別
天地無私處處同
長笛一聲諸曲靜
巨觥雙飲百愁空

風清水暖羣魚上誰向荆溪下釣筒

寄荔浦林術明府

諸蠻烽火照深谿同著儒衫事鼓鼙壯節已皆成皓首
孤蹤猶未得丹梯鬱蒸草氣龍蛇舞昏黑空山鬼鳥啼
十八人中存者六孰為霄漢孰為泥

賓州閱武堂

南嶠風雲久肅清壞溝殘壘號昇平官曹惟識簿書字
民俗不知金鼓聲往歲忽傳南詔檄近時方築伏波營

安城太守深邊計
菡萏花開閱水兵

那霸泉

路下牂牁水石間
三分纔過二分山
年光欲盡家猶遠
嵐氣雖疎鬢已斑
賓從笑談譏獨進
兒曹音信喜生還
南風一夜吹鄉夢
數刻飛過五嶺關

龍州秀嶺

路隨雲磴石梯行
限隔華夸天意明
自與大君為外屏
何勞諸將作長城
福民可拜三公爵
壽聖能呼萬歲聲

海國未疆崖石老待誰來此勒功名

天涯亭

雨色絲絲風色驕
天涯亭上覺魂銷
一家生意付秋瘴
萬里歸心隨暮潮
兵送遠人還海界
吏申遷客入津橋
山公對此聊酣飲
怕見醒來兩鬢凋

思甘泉水寄通判景範梁屯田

二井鑿通千佛塔
七元流濟萬人家
波心不動青天色
井口常飛白雪花
見釀宜成殘臘酒
聽煎尤焙早春茶

歸時覺久添新歲羞向寒清照鬢華

題芙蓉亭

邊柝無聲獄訟疎芙蓉池上避金烏
民收菓實充田賦
匠寫空形入縣圖白鳥知機遠冠蓋紫鱗貪餌落盤盂
主人非為清香設愛此烟波似五湖

桂林資聖寺

丁謂

八桂提封接九疑寶坊遊覽負心期
梅檀未覩生天像
琬琰空傳置寺碑白玉毫光應照我
黃金色相竟留誰

靈川他日香雲裏
莫道凡夫見佛遲

送向綜通判桂州

張鏞

百里常淹展驥材
除書遠自九天來
綠油車上揚旌去
畫鷁舟中疊鼓催
桂嶺花光紛似雪
荔江波色綠如苔
訟庭塵滿無留事
維伴登臨燕席開

送劉長官桂州府掌機宜

劉效

桂林風物舊宜人
雪片梅花五嶺春
心喜大江流瘴霧
眼看南極異星辰
軍中羽檄時無警
徼外明珠日獻珍

酒量問君能幾許
越猿蠻鳥易傷神

送馬朝請使廣西

孔平仲

海水揚波今合清
秋風千里使華行
言皆有道非徒發
事若無心更不生
談笑從容懷遠俗
琴書瀟灑寄高情
佇聞靜勝諸蠻服
何必樓船十萬兵

送德之提刑郎中赴廣西

王安國

天扶開寶至熙寧
和氣薰蒸瘴癘停
五管閭閻如按堵
六朝仁聖喜祥刑
欲推恩澤求膚使
果見謀猷簡大庭

嗟我白頭甘抱槩看君歸日上青冥

奉送馬令歸長沙

沈遼

腰間新佩臨桂章歸著綵衣拜高堂鴻鴈知時自翔翥
驂騑得路方騰驤正煩絃歌治疲俗仰看干羽來降王
憔悴山間老遷客不能相送出瀟湘

送廣西提刑潘比部伯恭

梅聖俞

白麻新拜大丞相黃紙首除南省郎欲使平刑安遠俗
莫辭乘傳歷炎荒桂林地險通椎髻陽朔峰奇削劒鏗

自有王門舊勳業且須稀作上書囊

次韻王鬱林

蘇軾

晚塗流落不堪言海上春泥手自翻
漢使節空餘皓首故侯爪在有顏垣
平生多難非天意此去殘年盡主恩
誤辱使君相投拭寧聞老鶴更乘軒

送邵道士彥肅歸都嶠洞天

乞得紛紛擾擾身結茅都嶠與仙鄰
少而寡欲顏長好老不求名語益真
許邁有妻還學道陶潛無酒亦從人

相隨十日還歸去萬劫清遊結此因

送錢承制廣西都監

當年我作表忠碑坐覺江山氣未衰舞鳳却從天目下
牧駒時有渥洼姿據牀到處堪吹笛橫槩何人解賦詩
知是丹霞破佛手先聲應已懾羣夸

贈朱冕兄弟

黃庭堅

萬里瀟湘一故人白頭親老尚懸鶉還家但有千竿竹
望日空耕一畝芹賣劍買牛真可惜隻雞斗酒得為鄰

勸君莫起羈愁思滿腹文章未是貧

聞王若愚除桂帥

鄒浩

鸞臺鳳閣並門居同荷先皇獎眷殊諫草悠悠空皎日
年華忽忽幾青蒲朝廷擇帥君來越鄉里容身我念吳
萬事循環總如此目前何必較榮枯

展畫亭

畫山名聞天下山前乃無亭宇少延好事
之目天其或者留以待吾正彥乎繪形斐

章用為前導落成請以展畫

名之亦繼歌外一段佳事也

丹青一筆妙難窺萬古長如初畫時濃淡乾坤偏掩映

卷舒雲霧巧追隨
深藏塵表天元愛
不到炎方世豈知
展出高亭快人目
捨君風韻更誰為

靜閱堂

進士王氏構堂燕居久未有名予偶散步造焉主人
言汪朝散梁承奉頃常集此因名之曰靜閱堂且留
此以見意云

左轄諸郎朝散君
頃年於此岸綸巾
誰知還是風炎日
我亦來為堂上人
菡萏波澄端自倚
枕柳烟靜幾番新

靜中閱盡榮枯事獨愛龍山萬古春

龍岳蒼山正
與此堂相望

平樂來仙閣

偶向人間作謫仙倏然來此住經年君臣鼎內重相合
日月壺中獨自圓過惡已除青簡上姓名猶在紫霞前
一朝駕却飛鸞去留得風聲舉世傳

天繪亭

杖履追隨陟杳冥無邊勝景集孤亭解衣自若誰為史
造物難窮巧賦形展拓二儀成縞素均調一氣作丹青

會將斷取山川手卷入中州挂戶庭

夢立求軒名以其面蓮池十許頃名之曰妙喜軒
蓮花千葉滿前開斷取應從妙喜來色帶日光飛縹緲
香乘風力轉徘徊休尋物外菴羅果且進池邊鸚鵡杯
一笑真能契無染不妨游戲挾霆雷

拱梅亭

陸沉無復似當年高壓雲根氣象全四面山川趨指顧
一時草木避蕃鮮垂簾鼎實須歸帝起檻龍香必動天

自我發揮人共樂風流從此映來仙

白龍洞

洞門寂寂晝常陰誰識行天濟物心
金翅影沉起永劫
玉毫光現契圓音滂沱普潤三千界
靈鷲濃興一萬尋
天子六龍方在御不應頭角閟幽深

玉虛觀

山腰制作邇來新斧鑿纔終便掩門
獨殿紛紛羅杞棘
老君寂寂看雞豚烟凝疊嶂為香火
風韻疎松作道言

借問羽衣何處去一齊歸屋抱兒孫

土人以歸家為歸屋

仙宮廟

千仞巉嵒一徑通可捫天處是仙宮
嬋娟並席誰家子縹緲吹衣萬竅風
初月淡籠眉拂拂晚雲低遠鬢懸懸
邦人不復知端的但說常能助歲功

周御史廟

忠言直節動天聰名在昇平北斗中
陰德久宜家有後光靈今與國無窮
庭前烏桕當年栢門外風生舊日驄

公不世情應我顧一觴聊復以誠通

登鵬高亭基

野燒無蹤知幾年故亭遺址尚依然
巍巍穩據山千仞渺渺前當水一川
地展雲衣長護惜天回松蓋巧周旋
重興棟宇非難事坐使風光集綺筵

寄葛長源

平樂春陵地接連嶺南嶺北異風烟
罪人輕重當如此坐阻聲容空自憐
天上恩書來有日湖邊歸路約同船

東門敢醉鄰居美已辦金魚當酒錢

綠珠井

玉容捐委畫樓塵一死甘酬石氏恩古廟有碑旌節義
西風無主逐香魂孤村夜靜鳴歸鶴雙嶺雲寒唳斷猿
試向綠蘿尋舊迹斷碑遺井見清源

留別元光

不因投竄抵昭平爭得相逢一笑親塵裏妙空居士室
琴邊聊見宰官身周顛尚以妻為累元亮惟知隱是真

莫逆於心更何語撥開船子過牢津

讀丘濬寺丞天繪亭記

丘侯慶歷中進觀風感事詩百篇責為昭州職官州

人尚有識之者云剛果難犯世傳其得道尸解莫知所在

襟懷落落富經綸造命奇窮道不伸詩以百篇天上獻
身為萬里幕中賓每聽故老談風節尚有遺文照水濱
聞說神游已無較想經山頂亦逡巡

讀龍圖梅公瘴說

市門隱去不知年蔽芾甘棠蔭樂川五瘴作時雖不染

一篇留誠指其然直須鏤版人皆與庶使綿軀病可痊
更有奇方公未說上醫醫國許心傳

追感董敦逸夢授侍郎

公熙寧中為昭州平樂令
題詩蓮花臺上至今存焉

元祐中罷御史為本路轉運判官上即位之初
公為左諫議大夫予為左正言實同省戶而予

遷中書舍人公移尚書

戶部侍郎未幾公卒

臺陟蓮花見舊篇追惟平昔倍淒然初為百里青衫短
晚按連城白髮鮮東省聯裾驚昨夢南宮分袂忽新阡
使公難老猶無恙只恐投荒更我先

寄謝象州守周源屯田

趙抃

念公別後固依然蜀距炎方里數千
劔棧過來纔一月詩筒傳得已三篇
曾藏忠誼堅於石口吐文章湧似泉
何日解符還闕去如今朝野不遺賢

席上感別送桂倅

照人冰骨是真仙失臂江西僅十年
子擁倅車袍著茜我趨賓席幕依蓮
今宵把酒方歡甚明日班荆又黯然
八桂到須多暇日府中佳靖主公賢

桂林道中二首

李綱

時危遠謫墮南蠻猶在乾坤覆
載間瘴雨嵐烟殊氣候
玉簪羅帶巧溪山
枕柳葉暗傷心
碧躑躅花開滿目斑
惟有月華依舊好
清輝應與照雲鬟

桂林山水久聞風
身世茫然墮此中
日暮碧雲濃作朶
春深稚笋翠成叢
仙家多住空明洞
客夢來遊羣玉峰
雁蕩武夷何足道
千巖元是小玲瓏

象州道中二首

路入春山春日長
穿林渡水意徜徉
溪環石筍橫舟小
風落林花撲馬香
山鳥不知興廢恨
嶺雲自覺去來忙
炎荒景物隨時好
何必深悲瘴癘鄉

竹屋茅簷三四家
土風漸覺異中華
碧榕枝弱還生柱
紅荔春深已著花
社燕不巢南候別
塞鴻無信北音賒
海山此去猶千里
會見安期棗似瓜

南遷道鬱林郡守王君示古律詩一編北歸輒成
以答其意

山園古郡碧周遭陸績衣冠雅自褒海上來歸懷麈尾
鬢間空歎長霜毛易書顧我耽成癖詩筆憐君老更豪
此去龍城猶不遠寧須巨石壓雲濤

晚泊蒼梧有感

常誦蒼梧雲起愁那知理權此間遊火山水井舊傳有
桂水藤江相合流念遠心如嘶北馬踰年行徧嶠南州
重華一去不復返悵望九疑空白頭

次貴州

青楓夾道鷓鴣啼古郡荒涼接島夸陸績故城依石巘
葛洪遺竈俯江湄光風冉冉吹香草煙雨濛濛濕荔枝
欲作終焉卜居計自應白僕不吾欺

遊曾公崑

陳倩

源流承繼孔門賢姓氏今題洞穴間傳說功高傳崑野
謝安名著謝公山激泉救旱為霖雨磨石書勲破海蠻
應共白雲同一意帝鄉歸去未能還

和韻

曾布

從事區區厭獨賢尋幽深入翠微間旋聞榛莽東郊路
偶得神仙舊隱山都嶠三天臨瘴水靈嵩十里接溪蠻
何如咫尺鄰風穴杖屨時時一往還

湘山

王鞏

半嶺風吹草木香落堦花雨送春忙從師遠借雲菴卧
還我平生午枕涼蓮社緇黃常得伴鹿門妻子亦相將
化身欲似河東柳更向山頭望故鄉

寄桂州張諫議和永叔

桂林太守幾時行
泛汴桃花浪已騰
目極雲陰低遠樹
夜寒風急亂春燈
巢鳴翡翠愁無限
水宿鴛鴦冷不勝
陽朔山前好峯嶺
為公憐愛萬千層

龍圖閣直學士經畧王公若愚與提點刑獄劉子
至提舉學士唐夢傳大張旌旆觀稼近郊今歲
建牙於此遂過傲雲諸閣大觀元年五月十

六日

張莊

山甫適歸有詔期省耕聊復耀幢麾
翠岑恰似千旗密

綠野何妨萬馬馳
鵬鷄精神元老貴
鼎彝功業太平時
自惟晚進誠天幸
偶附台躔每處隨

夜遊灘江上

李昇之

灘山開徧四時花
遊覽都忘屐齒賒
風景雖移秋尚老
關山無奈客思家
漏傳樓上三通鼓
水落灘頭幾尺沙
京國未歸鄉信斷
陣鴻何處暮雲斜

次李昇之夜遊灘江韻

章峴

自笑無錢對菊花
天寒欲冷授衣賒
枕榔葉暗臨江浦

茉莉香來釀酒家
月霧空濛螢照水
霜風蕭瑟鷺眠沙
歸尋獨秀山前路
城角參橫斗柄斜

留題龍隱岩

碧崖石室俯清漣
蟠螭靈虬不記年
委蛻去為天下雨
抱珠歸作洞中眠
照開霧脚澄溪月
滴破雲根暗穴泉
負郭勝遊雖信美
桑間留愛我無緣

吏局區區得暇難
倚崖高閣暫登攀
羣峰半出重林外
小艇橫浮一水間
霜葉信風隨鳥逝
晚雲沉石伴僧閒

夕陽欲下猶迴戀更鼓清琴數弄還

丁未上巳重遊

溪干艤棹訪巖扉危磴攀緣不欲歸垂乳滴聲當佛座
宿雲留潤在僧衣聊開禊席臨流水閒擲文竿到落暉
旅宦天涯甘寂寞送春無意惜芳菲

伏波巖

江濶洄洑噬山根山裂崑開石室存怪鬼夜呼千嶂黑
螯龍晨起一川渾金沙試決通泉脈翠壁閒題破蘚痕

三伏幾人逃畏暑
豈惟河朔有清樽

和韻

崔靜

古木經溪出亂根
四時香火廟空存
人家曉聚鳧鴨亂
水怪夜翻星斗渾
靈洞仙遊雲自鎖
陰崖龍去石生痕
幸同軒從乘餘興
酣醉清時酒一樽

陽朔山

宋 咸

獨起獨高雄入漢
相輝相映翠成堆
若非羣玉崑西至
即是三峰海上來
疑有洞天通日月
絕無樵路到塵埃

如何得似巨靈手擘向天家對鳳臺

題曾公巖

苗時中

紅旆尋幽東郭傍泉崑新得冠殊方一川氣象天開作
萬古荆榛地蔽藏崖穴乍驚堂室闕榜名知與日星長
異時人指溪橋水思愛還同召伯棠

遊曾公崑

劉宗傑

謝公高興在東山尋得仙崑郡邑邊萬朶連峰凝碧乳
一溪鳴玉逗寒泉由來物外無塵景須信壺中有洞天

嶺服已安褒詔近莫將歸夢更留連

又

彭次雲

目擊烟霞畫捲舒披榛敲石得蓬壺洞天日月千年久
人世塵埃一點無靈藥難尋雲縹緲落花不見水縈紆
使君鳳閣翔翔近謾與東山作畫圖

又

齊 謙

天作地藏知幾年公來因得茂林閒誰言物外真仙境
祇接人居近郭山石乳望中蒼玉墜泉源深處卧龍閒

行看再為蒼生起乘興從容重返還

又

劉誼

尋得新崑冠一州使君從此作鰲頭
千年草莽埋幽致今日衣冠成勝遊
洞穴已能驚俗眼神仙須合隱浮丘
主人將為商霖起還許徵官卜築不

柳州開元寺夏雨

呂本中

風雨脩脩似晚秋鴉歸門掩伴僧幽
雲深不見千巖秀水漲初聞萬壑流
鐘喚夢回空悵望人傳書至竟沉浮

面如田字非吾相莫羨班超封列侯

靈崑山

王安中

鑿破巔崖透碧流小舟輕泛入深幽石鱗映水玻璃皴
山勢凌空翡翠浮雲護淵泉將欲雨寒生洞府夏成秋
停橈峭壁題名姓醉墨淋漓記此游

橫州太守趙持挽詞

周必大

憶驅千騎過田間充國年耆鬢未斑遺事劇談黃閣老
舊遊追說玉門關橫槎只道南通海妖邏那知夜裂山

宿將如今幾人在，稍聽鼙鼓涕先潛。

送廣西譚景先經幹兼簡趙帥思朱漕晞顏

舊歷南流上海航，今經鐔背下灘江。
元戎正值詩書帥，廉使曾臨父母邦。
不憚客從南去少，須陪驛召北來雙。
水衡自古同承拜，豈必紅蕉映碧幢。

訪顏氏讀書品

呂愿中

洞口微雲恣卷舒，石品相對一蘧廬。
賦才晉宋多夷曠，好景古今難守儲。
茗盃已驚浮雪浪，齋厨俄聽響鯨魚。

子雲識字終何用且讀人間未見書

假守呂叔恭遊中隱崑無名洞坐客鄱陽朱國輔

云此洞未有名因公而題欲名曰呂公崑予未
敢披襟而劉子思陳朝彥皆曰甚當戲書五十
六字鑱於石壁間紹興甲戌季春七日

護田綠水轉山樊滴翠羣峰列巨杉洞外僧藍侵斗漢
澗邊人跡隔仙凡深深雲谷春常在寂寂松扉夜不緘
此處得名爰自我要須題作呂公崑

郡守呂叔恭以甲戌季春七日游中隱崑山水膏
育之興未已後兩日再拉機宜劉子思監州朱
國輔經屬陳朝彥同至新洞所見愈奇真所謂
倒餐甘蔗聊書五十六字

爽塏虛明小洞天
巉崑垂乳類鋒鋸
薰風習習來三面
夏雨蕭蕭欠一檐
指顧羣山勞應接
徘徊騎縱觀瞻
門前綠水泓澄淨
底處應須是谷簾

超然亭

折彥質

超然亭上鬢毛斑浩蕩秋風小立間
豈為詩情堪過海
祇緣脚力要尋山峭峰斷續天容缺
高壘縈紆地勢慳
回首不堪東北望桂林萬里是秦關

賀州丹甑山

郭功夫

賀州城西丹甑山一亭遙插紫雲間
龍墀讓策名猶在
鶴馭凌風去不還善政再來應瑞物
勝遊安得伴酡顏
元戎詞翰錫金玉千古長如碧澗潺

粵西詩載卷十三